


**02 IANUARIE / 19 IULIE**

**ACATISTUL  
SF. CUVIOS  
SERAFIM  
DE LA SAROV**



**ACATISTIERUL PE IANUARIE-RU**



# Акафист преподобному и богоносному отцу нашему Серафиму Саровскому чудотворцу

## Кондак 1

Светом преподобия вселенную всю осиявший,  
избранное Божие чадо явился еси, кроткий и  
славный в чистоте, любимый наш батюшка  
Серафиме. Исполнил дарами велиими Русь  
Святую в древних путях ея, украсив  
многоценными бисеры тайныя тропы  
молитвенного делания и милосердия. Сего ради  
благодаряще Господа в Троице, непрестанно  
вопиим во умилении:

Радуйся, сокровище Божие, всего мира  
утешение, / жемчужино чистая Духа Свята,  
преподобне отче Серафиме!

## Икос 1

В дивную пору весны твоя возлюбил ты землю  
родную с ея просторы необъятными,  
златоструйными реки и прозрачными родники,  
ея озера лебяжьи манили тя красотою своею.  
Тогда уже ты обратил детскую молитву  
невиннаго сердца своего к Живому Богу. И  
дивный храм, Святой Троице посвященный,

построил в душе своей, восторгом и умилением исполненной. Тогда явила сила веры твоя чудесное спасение твое, егда с высоты велией спадши, ты невредим остался.

Особым Промышлением Божиим и заступничеством Пречистыя Богородицы озарилось все твое житие. Подобно лучу солнечному, просияла душа твоя пламенною любовью к Богу и Творцу. Так хранил тя Господь для подвига славнаго, для утешения чадам Христовым в скорбном их устроении. Сему чуду дивящися, во уповании сердец наших воспоим сицевая:

Радуйся, звездо путеводная, / на небосводе бытия нашего надеждою и верою просиявшая!

Радуйся, ладья золотая, / в пучине скорбных обстояний тонущих спасающая!

Радуйся, родник хрустальный Бога Слово, / жажду непрестанную иссохших душ наших утоляющий!

Радуйся, нить златовидная, / честными жемчугами девственных душ Прекрасный образ Голубицы Небесной украшающий!

Радуйся, сапфире небеснозрачный, / целомудрием жития своего ангельский чин во плоти стяжавший!

Радуйся, сердце вечно юное, / чистотою своею безсмертие души оправдавшее!

Радуйся, утешения источниче, / на краю пропасти земной от последняго шага отчаянных удерживающий!

Радуйся, врачу духа преискусный, / бисере чистый из разбитых человеческих судеб извлекающий!

Радуйся, сокровище Божие, всего мира утешение, / жемчужино чистая Духа Свята, преподобне отче Серафиме!

## **Кондак 2**

Молитвами благочестивых родителей хранимый, с младенчества познал ты крепкую помощь Божию и благодать бессмертия. Исполняясь ревностию по Бозе и возрастая в летах, бережно хранил ты чувства незабвенной встречи с Царицею неба и земли, любовь и верность Пречистой Матери Бога своего до последнего дыхания освящая. Тако и мать твоя земная, видя стремление сердца твоего ко Господу, благословила тя на путь иноческий, к цветам и ароматам райским сквозь тернии бытия пробившийся. Сего ради воспоим Господу хвалу: Аллилуиа, Аллилуиа, слава Тебе, Боже!

## **Икос 2**

Бережно собирая в сердце своем самоцветы истины по Руси святой, открывал ты чадам Божиим, идущим вослед тебя, сокровенныя

места и тропинки незримья. Крестом материнским благословленный, шел ты под сенью любви земной и небесной, наполняя уставший дряхлеющий мир надеждою и упованием. И шли за тобою девы и юноши, малолетняя дети и старицы. Сих чистых душ ради, сохраненных тобою для Царствия Божия, благодарственно вопиим:

Радуйся, кивоте красного дерева, / икону русского сердца в себе вместивший!

Радуйся, ткань шелков нетленных, / картину жития Отчизны Святой бисерами многоценными запечатлевший!

Радуйся, плетение жемчужное, / образ любви ко Пречистой Матери светов своим иноческим подвигом явивший!

Радуйся, иконописче преизящный, / храм Святой Руси предивно украсивший!

Радуйся, ризо всечестная, / вселенную троичным сиянием веры покрывшая!

Радуйся, смарагде небесный, / кристалловидным престолом молитвы святой возсиявший!

Радуйся, ковчежец чистаго золота, / благоуханным елеем милосердия преисполненный!

Радуйся, скиптре многомогущный, / ладью монашескаго служения к Богу управивший!

Радуйся, сокровище Божие, всего мира  
утешение, / жемчужиной чистая Духа Свята,  
преподобне отче Серафиме!

### **Кондак 3**

« Сей от рода Моего, « - сим глаголом утвердила  
Царица Небесная твое служение ангельское,  
огнекрылый отче Серафиме. Како во святое  
святых ввел Господь трехлетнюю Отроковицу,  
так в молитвенную сень заповеднаго леса  
Саровскаго ввел Он и дивнаго Своего ангела на  
служение тайное, от очей земных сокрытое. И  
несть числа подвигом пламеннаго духа, когда  
зимою таяли и плавилась снега и приходили  
звери хищныя за угощением монашеским  
скромным. Тогда молилась вся природа: и леса,  
и звери, поля и реки, птицы и травы. И  
умножалась слава Красоты Святаго Духа, когда  
кристаллы снежинок сияли радугами в лучах  
солнечных, и весенние цветы напояли  
ароматами несказанными весь мир. Убогие  
лачуги земнии тогда озарялись сиянием  
небесных жилищ, тобою для скорбящих духом  
возводимых в райских селениях. Ты украшал  
поникия главы бедняков венцами нетленныя  
радости. Сего ради возопиим Богу в Троице  
Единому: Аллилуиа, Аллилуиа, слава Тебе, Боже!

### Икос 3

Яко чадо Божие истинное, хранил ты заветы предков, благочестием просиявших. Твердой вере православной наученный, на камени крепком построил ты храм души своея. И камни зримо возрастали в лесу потаенном, когда ширились стены небеснаго строения твоего, ставшаго тихою пристанью спасения душ, измученных житейскими бурями и невзгодами. Тако стало милосердие твое тем могучим камнем, о который разбивались волны страстей и гордыни падшаго мира. И крепкою рукою ты направлял заплутавшие души по тем путям, которыя открывались Божественным Промыслом ко спасению. Сего ради блаженства царскаго пути прямого и праваго, благодаряще возопиим:

Радуйся, маяк путеводный в океане житейском,  
/ по бурным водам притекших к тебе пловцов от  
вечныя смерти спасающий!

Радуйся, кроткий обличителю, / поступки  
необдуманная кающемся сердцу  
открывающий!

Радуйся, язв духовных целителю, / крылья  
унылых душ утешениями расправляющий!

Радуйся, радости прибежище, / в мире и  
тишине духа служить Господу научающий!

Радуйся, воскресения Христова проповедниче, /

словами пасхальными Истину воскресения  
утверждающий!

Радуйся, духа мирна сосуде преиспещренный, /  
красотами нетленными украшенный!

Радуйся, яхонте препрозрачнейший, / во  
глубине сияния своего райския селения  
вместивший!

Радуйся, камению драгий, / в основу мироздания  
Рукою Божественною положенный!

Радуйся, сокровище Божие, всего мира  
утешение, / жемчужино чистая Духа Свята,  
преподобне отче Серафиме!

#### **Кондак 4**

« Стяжи дух мирен и тысячи спасутся возле  
тебя,» - сею заповедию ты учил чад Божиих, на  
путях ко спасению окрыляя и воспламеняя  
сердца. Тако живое Божие Слово давалось  
простым душам, когда чрез тебя говорил с ними  
Господь. Святое сердце твое, безценным мирро  
благоухающее, стало прекрасною  
многострунною псалтирью, поющей слаще пения  
соловьинаго. Слова живой божественной веры  
питали и насыщали голодных, напояли  
жаждущих правдою и целомудрием.  
Преклонялись небеса и снисходили блаженства  
на затихшую внимательную землю. Блажени  
милостивии, яко тии помиловани будут.  
Блажени кротции, яко тии наследят землю.

Блажени алчущии и жаждущии правды, яко тии насытятся. Тако небесным хоралом пели высокия звезды и светила, подтверждая трепетным сиянием Красоту Любви Христовой и Творческую силу Зиждителя вселенныя, в Совершенстве Святаго Духа излианную на мир видимый и невидимый. Сею Премудростию Творца восхищенныя, пред Величием Его Промышления преклоняя колена сердец наших, в тихой радости воззовем: Аллилуиа, Аллилуиа, слава Тебе, Боже!

#### **Икос 4**

Купи дары и таланты у Бога и умножи их. Купи покаянием и верностию, любовью и добрым устройением души. Стяжи дух мирен, умноженный прибылью от трудов твоих: бдением, пощением, милосердием, нестяжанием, благодушием и солнечною радостью. Делами святыми умножь эту прибыль. Стань купцом товаров духовных. Занимайся тою куплею, которая дает тебе более прибыли. Милосерден ли ты – милосердствуй. Целомудрен ли ты – не греши и мыслию. Нестяжателен – не собирай сокровищ земных, коих ржа разъедает и воры подкопывают и крадут. Иди по тому пути, на котором тебе легче спастись, и ты более приобретеш. Тако учил преподобный о купле-продаже духовных сокровищ нетленных. Тако

иди, душе, и торгуй тем товаром, что умножается и сохраняется. Занимайся тем деланием, кое дает более даров Духа Свята. Стяжание даров этих и есть таинственная купля духа. У не имеющего – отнимется, у имеющего – умножится. Сия наука приобретения есть наука спасения. Открывая пути, ранее для нас закрытыя, воззовем сицевая:

Радуйся, купец именитый, / трудами честными казну неизживаемую накопивший!

Радуйся, хозяине рачительный, / свой капитал духовный увеличивший!

Радуйся, мореплавателю искусный, / караваны судов по волнам жития безопасно ведущий!

Радуйся, драгий адаманте, / под твердою рукою ювелира безценную стоимость обретший!

Радуйся, прибыли духовной зрителю, / пути стяжания ея чадам Божиим открывший!

Радуйся, учителю накопления даров духовных, / учением добрым вселенную просветивый!

Радуйся, пасечник заботливый,  
/ благодатию преизливающейся любви страннолюбцев, яко пчелок небесных, питающий!

Радуйся, уста медоточивыя славы Божией, /  
непрестанною хвалою Творцу в Троице  
исполненныя!

Радуйся, сокровище Божие, всего мира  
утешение, / жемчужино чистая Духа Свята,  
преподобне отче Серафиме!

### **Кондак 5**

Снабдевая душу словом Божиим, вкушал  
ты, преподобне отче наш, хлеб ангельский  
благодати благовестия. Просвещаясь в  
разуме и в трудах телесных упражняясь,  
стяжал ты дивныя дары разумения, мир  
душевный и сердечное умиление. Слезами  
согревался твой внутренний человек и  
исполнялся духовных дарований,  
улаждавших ум и сердце паче всякаго  
слова. Благословенный иконою  
Богоматери, именуемою «Блаженное Чрево»,  
от старца Исаии Саровскаго, погрузился ты  
в океан безмолвия и молитвы непрестанной,  
возбранив вход на свой пустынный холм,  
Афонскою горою нареченный. От молчания  
ещё никто не раскаивался, - тако наставляя  
ты духовно жаждущих и противостоял  
малодушию, беспечности и празднословию,

раждающимся от скуки и тоски. Врачую болезни искушений молитвою, воздержанием от празднословия, рукоделием и терпением, поборал ты диавола. Силою Честнаго Креста Господня и теплою молитвою превозмогал ты страшныя видения, ужасы и телесныя страдания. И твердостью непоколебимою, растворенною глубоким смирением, побеждал ты духа тщеславия и честолюбия. Лишь глубина Саровского леса таит в себе твой подвиг, подобный подвигам древних христианских столпников, когда в ночное время взошедши на высоту гранитного камня, ты вопиял ко Господу: « Боже, милостив буди ми грешному!» И тяжкия болезненные язвы твоего трехлетнего подвига не оставляли тебя уже до самой кончины. Умиление сердца твоего укрепило и утешило твою душу, ибо Бог был с тобою. Сему чуду и подвигам твоим дивящся, воспеваем с любовью: Аллилуиа, Аллилуиа, слава Тебе, Боже!

## Икос 5

Радостию неземною, несказанною исполнено было сердце твое, любезный наш батюшка Серафиме, егда зрил ты посещения Божественныя. Како издетска исцелен ты был приходом Божией Матери от чудотворнаго Ея образа Знамения, тако и по всем житии твоем являла тебе велию милость Царица Небесная. Умиляясь твердой вере твоей, зряще страдания твои от смертельных ран, разбойниками в лесу нанесенных, пришла к тебе порфиноносная Дева Пресвятая в келию убогую. Небесною помощью и пособием в болезненном состоянии стала тебе защита Ея и исцеление. Дар прозорливости стяжал ты своим незлобием на душегубцев и высотой подвигов пачеестественных. Сего ради, благодаряще Пречистую Матерь, со умилением духа вопием ти:  
Радуйся, богатырю русский, / силу духа православнаго явивый!  
Радуйся, зеркало Истины, / небесную славу в своих подвигах отразивый!  
Радуйся, победителю ада, / подвигами своего жития диавола посрамивый!

Радуйся, светоче правды, / алчущих ея  
примером молитвенного делания  
питающий!

Радуйся, образе воздержания, / пищею  
своею травы лесныя имевый!

Радуйся, пламя духа совершенного, /  
хладныя сердца умилением согревающий!

Радуйся, созерцателю высот несказанных, /  
непостижимыя красоты коих всем сердцем  
вместивый!

Радуйся, вертоградарю Духа  
Божественного, / дивныя райския  
саждения на земли укоренивый!

Радуйся, сокровище Божие, всего мира  
утешение, / жемчужино чистая Духа Свята,  
преподобне отче Серафиме!

### **Кондак 6**

Глубокою скорбию о потерях отцев  
духоносных пораженный, размышляя ты о  
тленности привременнаго сего жития, о  
жизни будущаго века и Страшном Суде  
Христовом. Тако положил ты молитися об  
упокоении дорогих твоему сердцу, прося на  
кладбище вспоминать пред Богом отцов  
Исаию, Пахомия, Иосифа, Марка. Простите

нас, отцы святии, и помолитесь о нас...  
Тяжким подвигом молчания связал ты уста своя и безмолвием ума посвятил всего себя Богу. Тайнами Богосозерцания очищалась и просвещалась праведная душа твоя. Молчание приближает человека к Богу. Молчание раждает плоды духа. Молчание приносит тихий мир умиления и кротость, возводя к благочестию. Буди, человек, земным ангелом и получишь неизреченную радость о Духе Святе. Сего ради возопиим Господу: Аллилуиа, Аллилуиа, слава Тебе, Боже!

### **Икос 6**

Переноси обиды по-евангельски – вот тебе власяница, вот тебе и вериги! Тако учил преподобный скорбящих. Новым подвигом затворничества поднимался ты в обители небесныя, яко по ступеням лествицы незримыя. В сенях келии своей поставил ты гроб, не забывая о часе смертном. Тако и нам единое на потребу стало зримо. Богоугождение и всею жизнью служение Богу, но не человекоугодие. Любовь нескончаемая и стремление в горняя,

искреннее смирение и покаяние и горячее усердие к духовной жизни христианския. Сама Богородица благословила тя выйти на последнюю ступень лестницы небесной, когда старческим подвигом озарилось твое житие. Тогда очерствелыя и холодныя сердца исполнились живою водою любви нерастраченной, действенной, всепрощающей. «Жизнь наша есть море, святая Христова Церковь – корабль, а кормчий – Сам Спаситель,» - таким словом оживотворял ты души, истерзанныя миром и диаволом, дорогой наш батюшка. Сего ради воспоим сичевая:

Радуйся, сокровищнице Духа, / велию помощь скорбящему миру явивая!

Радуйся, дивный затворниче, / память смертную в наших сердцах обновивый!

Радуйся, прозорливче пречудный, / прошлое и будущее провидевший!

Радуйся, целителю безмездный, / недуги и болезни телесныя сокрушающий!

Радуйся, молитвенниче преизрядный, / воду источников целительною соделывающий!

Радуйся, премудрый праведниче, / радость

и сладость среди обителей небесных  
вкусивший!

Радуйся, старче многозаботливый, /  
попечение о сестрах Дивеевских  
преподающий и поныне!

Радуйся, иночества наставниче, / души  
чистыя невест Христовых опекающий!

Радуйся, сокровище Божие, всего мира  
утешение, / жемчужино чистая Духа Свята,  
преподобне отче Серафиме!

### **Кондак 7**

Заботою трогательною обитель Дивеевскую  
окруживый, отеческим советом и любовью  
старческою окормлял ты сестер юных и  
стариц. Благословением Царицы Небесной,  
сие место избравшей, окрылялся монастырь  
благодатный, простым трудом  
укрепляемый. Чистии девы несли свои  
послушания, а вдовицы – свои. Тако  
отделил преподобный старец  
целомудренных дев от жен, проживших  
брачною жизнью, создавши новую  
Серафимо-Дивеевскую общину по  
изволению Господа и Божией Матери. И  
скромным было житие их. Лишь горели

неугасимая свеча и неугасимая лампада пред образами Спасителя и Пресвятой Богородицы, да читалась псалтирь неусыпаемая, завещанная ко спасению старцем. Сего ради Господу возопиим сицевая: Аллилуиа, Аллилуиа, слава Тебе, Боже!

### **Икос 7**

Дивным благоуханием наполнилась келия твоя.» Вот Преславная, Пречистая Владычица наша, Пресвятая Богородица грядет к нам!« - сими словами ты встретил Царицу Небесную, грядущую в несказанном свете и красоте неописанной. «Скоро, любимиче, ты будешь с нами,» - рекла Пречистая и благословила тя и труды твоя. Приблизившись ко отшествию твоему из мира видимаго, радовался ты возвращению на родину небесную. Сего ради воспоим: Радуйся, старче великий, / безпредельною любовью за живущих в сем мире предстательствующий!

Радуйся, радости наша, / светом пламенных молитвы вселенную осиявший!

Радуйся, свете пресветлый, / и по смерти

своея скорбящий мир не оставляющий!  
Радуйся, злато благодати приснотекущее, /  
рекою мирною души верныя освящающее!  
Радуйся, озарение молитвенное, / тихим  
покоем сердца уставшие умиротворяющее!  
Радуйся, прозрения духовнаго источниче, /  
глубину покаяния нам показующий!  
Радуйся, дивный аромате небесный, /  
кринами райскими веры живой землю  
облагоухавший!  
Радуйся, неисцельных надеждо, /  
Божественною силою недужных и умерших  
к жизни возвращающий!  
Радуйся, сокровище Божие, всего мира  
утешение, / жемчужиною чистая Духа Свята,  
преподобне отче Серафиме!

### **Кондак 8**

«Царя, прославившаго мя, и я прославлю,» -  
сквозь годы прозрел ты, батюшка наш  
Серафиме, желание Государя Всероссийскаго  
Николая Александровича. Предстательством  
твоим и молитвами небесными даровал  
Господь семье Августейшей  
престолонаследника, в купели святой чей  
образ просветился. Тако молитвами твоими

да сохранит Господь Бог народ русский и царствующий Дом Романовых от всякия скорби и болезни! Богу же, дивному во святых Своих, да будет всякая честь, слава и поклонение всегда, ныне и присно, и во веки веков. Аминь. Сего ради благодарным сердцем возопиим: Аллилуиа, Аллилуиа, слава Тебе, Боже!

### **Икос 8**

Избранник возлюблен Божия Матере явился еси, преподобне отче наш Серафиме. Сея ради любви течение своего жития совершил еси и вселенную благодатным миром исполнил еси. Сию любовь ты пронес, яко сосуд многоценный, и радости радость ты умножил еси. Пред образом Пречистыя Матере «Умиление» во вся дни преклонял колена души и сердца твоего. Сим образом ты благословил весь мир христианский по кончине живота твоего на подвиг спасения. И поныне любовь твоя согревает измученныя души, прибегающия к нетленной молитве твоея. Сего ради возопиим:

Радуйся, сердце верное, / любовью

преданною Святую Русь как Дом  
Богородицы озарившее!

Радуйся, любовь прекрасная, / с юности  
чистой данная обеты сохранивший!

Радуйся, чудес источниче приснотекущий, /  
умиленным сердцем любовь Христову  
стяжавший!

Радуйся, небеснаго предстательства  
знамение, / образом Божией Матери  
Знамение благословенный!

Радуйся, пустынночерепахе мира, / пути  
претыкания и соблазна благословением  
образа «Блаженное Чрево» преодолевый!

Радуйся, безмолвниче усердный, / елеем  
лампады от образа Богородицы «Радосте  
всех Радостей» всех страждущих  
помазующий!

Радуйся, утешителю предивный, / образом  
Скорбящей Матери светов скорби духовныя  
исцеляющий!

Радуйся, наставниче иноков, / образом  
Пречистыя Божия Матере «Умиление»  
монашествующих утешающий!

Радуйся, сокровище Божие, всего мира  
утешение, / жемчужиною чистая Духа Свята,  
преподобне отче Серафиме!

## **Кондак 9**

И поныне, притекающая во святую обитель твою люди русския и благочестивыя инородцы, благодать приемлют велию. Больныя исцеляются, слепыя прозревают, хромья обретают хождение. Умершие воскресают, скорбящие утешаются. Возвещая чудеса Божии, души наша, благодарением и радостию исполненыя, воспевают Господу сицевая: Аллилуиа, Аллилуиа, слава Тебе, Боже!

## **Икос 9**

Любовию и покровом Богородицы осененный и дарами Святаго Духа исполненный, озарил ты просторы вселенныя светом огненных крыл своих. Мощь ангельская и сила благодатная молитвы твоея прославили Отчизну нашу светлую. Яко подвиги преподобнаго Сергия, игумена Радонежскаго, волю и разум народа святаго русскаго пробудившия, тако и пламенное житие твое, путь ко спасению светом любви и верности просветившее, даровали земле нашей славной надежду и упование. Сей ради славы ныне возопиим:

Радуйся, образе благочестия, / стяжание даров Духа Свята на путях спасения Руси Великой провозвестивший!

Радуйся, крепкий мосте до небес, / хрустальные ступени восхождения во Царствие Небесное подвигами своими открывший !

Радуйся, сладкое ликование гласов ангельских, / небеса пением чистым девственным обрадовавшее!

Радуйся, заре не вечерняя, / Русь Святую от конца до края просвещающая!

Радуйся, реко благодати приснотекущая, / всю вселенную проникающая!

Радуйся, звездо ясно блистающая, / землю святую светом лучей своих ото зла ограждающая!

Радуйся, светильниче лучезарный, / тьму от света отличати нас научающий!

Радуйся, покой ненарушаемый, / святость нерушимаго мироздания проповедающий!

Радуйся, сокровище Божие, всего мира утешение, / жемчужино чистая Духа Свята, преподобне отче Серафиме!

## **Кондак 10**

-Христос воскресе! Радосте моя! - Как дивно утешение твое, саровский старче Серафиме!  
- Воистину воскресе!Радосте наша! – благодарно ответствуют сердца наша. И ныне освяти нас огнем любви и пламенем жития твоего. Пусть малая искра зажжена будет в окаменевших душах наших, но веруем, что станет она великою в прославлении Творца в Троице, и станет она грозною в попалении страстей наших. Сего ради, Господа благодаряще, воспоим: Аллилуиа,Аллилуиа, слава Тебе, Боже!

## **Икос 10**

По окончании земнаго странствия твоего, о, предивный старче Серафиме, являеши свою помощь и поныне. Всем обращающим взор свой к тебе с верою, ты даруеши исцеления и чудотворения. Пречудными сокровищами милосердия твоего и сочувствия наполняеши оскудевшие от горести бытия души чад Божиих, сам дивным чадом Божиим явльшийся. Сими драгоценными камнями украшенныя, воспоим ти с любовью:

Радуйся, монастырей русских укрепление, /  
всем подвижающимся добре благое  
устроение!

Радуйся, душ целомудренных защищение, /  
Христова войска ангельскаго на земли  
прозябение!

Радуйся, сердец покаянных утверждение, /  
милости небесныя к честным душам  
приклонение!

Радуйся, в горняя страны  
стремление, / жития многоскорбнаго земнаго  
забвение!

Радуйся, вешних душ в чистоте  
сохранение, / их благаго устроения  
укрепление!

Радуйся, талантов небесных спасение, /  
зависти и козней лиходееев и растлителей  
упразднение!

Радуйся, купли святой соделывателю, /  
жемчужиною безценною любви и  
целомудрия вся сокровища мира  
заменяемый!

Радуйся, дара небеснаго зрителю, / сердцем  
чистым красоту его оценимый!

Радуйся, сокровище Божие, всего мира

утешение,/ жемчужино чистая Духа Свята,  
преподобне отче Серафиме!

### **Кондак 11**

Ожерельем чистых жемчугов до небес  
святой восходит чин. Столп и утверждение  
веков – кроткий, дивный в вере отче  
Серафим! Взор твой по-младенчески  
небесно светел и перстосложением детей  
крестил ты, днем и ночью умолял за нас  
небо и хранил покой и мирный сон Руси  
Святой. Сего ради воспоим Господу:  
Аллилуиа, Аллилуиа, слава Тебе, Боже!

### **Икос 11**

Под покровом бережным снегов тихо спит в  
ночи Святая Русь. На дозор заветных  
берегов с неба опустилась Божья рать и  
смотрит грустно: спят богатыри земли  
родной смирно, мертвым сном они уже  
давно уснули. Встань же, Серафим, раскрой  
свои крылья, верою спаси народ святой  
русский. Ожидая воскресения твоего,  
преподобне отче наш, молим Пресвятую  
Троицу Бога нашего:  
Спаси Русь нашу светлую, Господи Боже  
наш!

Спаси народ наш святой, Боже и творче  
мира!

Спаси землю прекрасную, Пресветлый  
Царю наш небесный!

Спаси чад Твоих, Боже Отче и Зиждителю!

Спаси чаяния и надежды наша, Боже Сыне  
Божий и Слове!

Спаси ароматы и дары веры и молитвы,  
Боже Душе Святой!

Спаси сокровища духа русскаго, Пресвятая  
Троице!

Спаси, сохрани и помилуй Дом Богородицы,  
Боже наш бессмертный, многомилостивый  
и непамятозлобный!

Радуйся, сокровище Божие, всего мира  
утешение, / жемчужина чистая Духа Свята,  
преподобне отче Серафиме!

## **Кондак 12**

Спасения и воскресения духа народа  
Русскаго, возрождения монархии чающе,  
возносим славу и хвалу великому  
печальнику и молитвеннику земли Русския,  
дорогому нашему и милосердному батюшке  
Серафиму Саровскому. Славим, хвалим и  
благодарим Бога нашего в Троице

Единосуцнаго и Нераздельнаго: Аллилуиа,  
Аллилуиа, слава Тебе, Боже!

## **Икос 12**

Вси святии земли родной, восславьте  
Господа нашего и каждый день жития  
нашего соделайте дыханием уст,  
благодарящих Препоблагословеннаго Бога  
нашего и Пречистую Божию Матерь,  
спасение народа русскаго соделывающих и  
благотворящих истинным чадам Божиим.  
Сего ради воспоим хвалу Всемиловитовому  
Господу вкупе с преподобным Серафимом:  
Слава Тебе, Боже наш Всесовершенный!  
Слава Тебе, Величие Бога Слово! Слава Тебе,  
Животворящая Сило! Слава Тебе, Источнице  
Жизни Вечныя! Слава Тебе, Архитектоне  
мироздания! Слава Тебе, Милосердия  
образе! Слава Тебе, Безсмертия  
безконечность! Слава Тебе, Святости  
радость! Слава Тебе, Великий наш Боже,  
подвигами и любовью убогаго старца  
Серафима в сердцах благодарных навечно  
запечатленный!

## Кондак 13

О, предивный чудотворче и угодниче  
преизящный Бога в Троице, / преподобне  
отче наш Серафиме! / Умоли Божественную  
славу, да подаст Господь и Бог наш  
спасение душам нашим, / в покаянии,  
умилении и вере глубокой вопиющих:  
/ Аллилуиа, Аллилуиа, слава Тебе, Боже!  
[Трижды]

